



**EVANGE=||LIA || QVAE CONSVETO || MORE DOMINICIS ET ||
alijs Festis diebus in Eccle-||sia leguntur**

Aemilius, Georg

COLONIAE, 1555

Disticha Evangeliorvm Dominicalivm per anni circulum, iua[n]dæ
memoriæ causa condita ab Aemilio.

[urn:nbn:de:hbz:466:1-69317](https://nbn-resolving.org/urn:nbn:de:hbz:466:1-69317)

DISTICHA EVANGELI

LIORVM DOMINICALIVM

*per anni circulum, iuuāde memoria
causa condita ab Aemilio.*

DOMINICA I. ADVENTVS.

Rex tuus ecce uenit tibi filia pulchra Syonis,
Pectore mansuetus, pauperiemq; ferens.

DOMINICA II.

Signa refert Christus mundi sub fine futura,
Tumq; pios uultus tollere ad astra iubet.

DOMINICA III.

Discipuli qui sis quærunt te Christe Ioannis,
Hinc referunt ueri cognita signa Dei.

DOMINICA IIII.

Legati ueniunt Baptistam ex urbe rogantes:
Se domino reddit uoce parare uiam.

NATALIS DOMINI.

Ob nostram Caro fit Verbum cæleste salutem,
Atq; Deus iunctum nomen homoq; tenet.

HISTORIA NATIVITATIS.

Nascitur in stabulo Maria de uirgine Christus,
Agnoscent dominum hos asinusq; suum.

DOMINICA. I. POST NATALEM.

Venturos casus Symeon tibi uirgo recenset,
Multaq; cum lætis tristia mixta monet.

CIRCUNCIO DOMINI.

Paruula scinduntur pueri præputia Christi,
Nomen & è celo suscipit antè datum.

EPH

EPIPHANIAE FESTVM.

Ecce ferunt Christo terni tria munera Reges,

Aurum, thus, myrrham. supplice quisq; genu.

*** Aurea sunt Regni, sed Myrrhea dona sepulchri,**

Thura Sacerdotis symbola certa gerunt.

BAPTIVS CHRISTI.

Filius in fluuio dum stat, Vox patris ab alto

Intonat, & summa spiritus arce uolat.

† Intonat è celo Genitor stat Natus in unda.

Quem super alato spiritus ore uolat.

DOMINICA I. POST EPIPHANIAS.

Dum redeunt Christi Solymis post festa Parentes,

Ille manens templo caelica iussa docet.

DOMINICA II. POST EIPHA.

Gaudia coniugij Christi praesentia firmat,

Vinaq; mutatis efficiuntur aquis.

DOMINICA III. POST EIPHAN.

Sordida lepra uirum Christo sanante relinquit:

Et miranda fides Centurionis adest.

DOMINICA IIII. POST EIPHA.

Horrida tempestas socios conturbat Iesu,

Imperio uentos submouet ille suo.

DOMINICA V. POST EIPHAN.

Triticeas inter crescit zizania fruges,

Tempore sub flammis conijcienda suo.

DOMINICA SEPTVAGESIMAE.

Fœlices nimium colitur queis uinea Christi,

Aequa laborantes præmia nanq; ferent.

DOMINICA SEXAGESIMAE.

X 3 Quat-

Quattuor in partes ceciderunt semina campi.

Quarta tulit fructum: tres periere, bonum.

DOMINICA QVINQVAGESIMAE.

Ascendens Solymam mortem praedicat Iesus

Ipse suam, caeco restituitque diem.

DOMINICA INVOCAVIT.

In deserta uenit Christus, tentatur ab hoste,

Qui mox uictus abit, uictor et ille manet.

DOMINICA REMINISCERE.

Fit domino supplex mulier Cananea, suumque

Impetret ut uotum, sustinet esse canis.

DOMINICA OCULI.

Eijcit e muto sathanam uirtute potenti

Christus, et hostiles reprimat ore sonos.

DOMINICA LAETARE.

Exiguo multos Christi benedictio pascit,

Ille sed in montem regia sceptrum fugit.

DOMINICA IUDICA.

Dum se maiorem Christus profitetur Abraham,

Ad iactum lapides impia turba leuat.

DOMINICA PALMARVM.

Terga premens asini Dauidica moenia Christus

Ingreditur, templo quassa flagella sonant.

VNCTIO CHRISTI.

Fert alabastra manu mulier, Christumque perungit,

Illius et mortem facta per ista notat.

COENA DOMINI.

Instituit coenam de carne et sanguine Christus

Ipse suo mandat, discipulisque frui.

LOTIO PEDVM A COENA.

Abluit

Abluit ipse pedes sociorum Christus, & illos
Inseruire humili sic queng; corde iubet.

4 Discipulis dominus plantas abstergit, & ipsos
Præcipit inter se talia facta sequi.

DOMINICA PASCHAE.

Tres ueniūt Mariæ, quò Christi membra perungāt
Mortua: sed uiuum nuncius Ales ait.

FERIA II. PASCHAE.

Discipulis binis peregre se iungit Iesus,
Dum frangit panem, cognitus ille fuit.

FERIA III. PASCHAE.

Improuisus adest socijs, pacemq; precatur
Christus, & accepto se probat esse cibo.

DOMINICA QVASI MODO GENI.
Ianua clausa manet, per quàm tamen intrat Iesus.

Infirmam Didymi corrigit inde fidem.

MISERICORDIA DOMINI.

Pro grege non dubitat uerum succumbere pastor,
Conductus precio sed fugit ora lupi.

4 Pascit oues Christus per sacri pabula Verbi,
Pro quibus est seuam promptus adire necem.

DOMINICA IUBILATE.

Discipuli domino tristes abeunte futuri,
Solamen matris parturientis habent.

* Discessu terret, reditu solatur Iesus
Discipulos, mundi gaudia præq; refert.

DOMINICA CANTATE.

Christus abit, socijs qui consoletur, ab alto
Missurum spondens: arguet ille malos.

VOCEM IVCVNDITATIS.

Præcipit, orari promissaq; iungit Iesus
Euentura pijs nomine cuncta suo.

ASCENSIO CHRISTI.

Ad patrium Christus scandit sublimis Olympum
Discipuli in fines totius orbis eunt.

DOMINICA EXAUDI,

Spiritus adueniet uerax, testisq; futurus,
Discipulos ferro mundus & igne premet.

IN DIE PENTECOSTES.

Si quis amat Christum uerè, mandata tenebit
Ipsius, & tales munera pacis habent.

MISSIO S. SPIRITVS.

Spiritus æthereo socijs illabitur igne,

Qui uarijs linguis cælica uerba sonant.

FERIA II. PENTECOSTES.

In patre quantus amor mundi sit, noscitur inde,

Quod dedit huic Natum pigra summa summa.

FERIA III. PENTECOSTES.

Ianua cùm soli superi sit Christus ouilis,

Fur erit hic, aliud qui sibi querit iter.

DOMINICA S. TRINITATIS.

Que noua sit Christus fide generatio monstrat,

Qua sola superas detur adire domos.

✠ Christe doces qua possit homo ratione renasci,

Aenea serpentis tum simulachra refers.

DOMINICA I. POST TRINI.

Lazarus ante fores Ditis iacet ulcere plenus,

At misero paruam nemo ministrat opem.

Dives

Diues ob immites animos cruciatur Averno,

Lazarus in caelo gaudia uera capit.

DOMINICA II. POST TRINI.

Iudæi ad coenam domini Gentesq; uocantur,

Non ueniunt illi, turbaq; pauper adest.

DOMINICA III. POST TRINI.

Ex ouis amissi simili nummoq; reperto.

Sese etiam infirmis Christus adesse docet.

DOMINICA IIII. POST TRINI.

Commemorat cæcum cæco ductore cadentem,

Festucamq; oculi comparat atq; trabem.

DOMINICA V. POST TRINI.

Retia mandato domini mittuntur in undas,

Maxima diuino munere præda uenit.

+ Fortunat nostros benedictio sancta labores,

Qua sine conatus irritus omnis erit.

DOMINICA VI. POST TRINI.

Damnat iusticiam Phariseæ gentis Iesus,

Que foris apparet, sed nihil intus habet.

DOMINICA VII. POST TRINIT.

Mille quater septem satiantur panibus, inde

Reliquias mense septima sporta capit.

DOMINICA VIII. POST TRINI.

Præcipis ut falsos caueamus Christe Prophetas,

Quos foris inquis oues, intus at esse Lupos.

DOMINICA IX. POST TRIN.

Motus ab officio sibi dispensator iniquus

Prospicit, atq; minus scribere queng; iubet.

DOMINICA X. POST TRIN.

X S Tristia

Tristia deplorat Solymarum funera Christus,
Venturiq; cupit pramonuisse mali.

DOMINICA XI. POST TRINI.
Iusticiam iactat propriam Phariseus ad aram,
Seq; reum pulso corde Telonus agit.

DOMINICA XII. POST TRINI.
Suspicit in celum dominus, surdoq; prehenso,
Auxilij letam fert miseratus opem.

DOMINICA XIII. POST TRINI.
Christus ab exemplo latronum uerbere cassi,
Quis soleat nobis proximus esse, docet.

*Seminecem linquunt hominē nudumq; latrones,
Hunc Samaritanus repperit atq; iuuat.

DOMINICA XIII. POST TRINI.
Lepra decerni te Christe uiros curante reliquit,
Ex illis grates omnibus unus agit.

DOMINICA XV. POST TRINI.
Nemo potest æquē dominis seruire duobus,
Curaq; nil prodest destituyente Deo.

DOMINICA XVI. POST TRINI.
Filius ad uitam uiduæ reuocatur, & illi,
Redditur à Christo, totaq; turba stupet.

† Filius effertur uiduæ spes unica matris,
Suscitatur hunc natus uoce potente Dei.

DOMINICA XVII. POST TRINI.
Hydropicum sanat Pharisei Christus in eade.
Accubitus primos inde cauere iubet.

DOMINICA XVIII. POST TRINI.
Queritur à Scribis mandatum quod sit Iesus

Sum.

Summum, de Christo rursus & ille rogat.

DOMINICA XIX. POST TRINIT.

Qui miser in lecto paralyticus antè iacebat,

Incolimis Christi munere factus, abit.

DOMINICA XX. POST TRINI.

Coniugij festum nato rex apparat, inde

Ingratos ferro perdit & igne cremat.

DOMINICA XXI. POST TRINIT.

Regulus ad Christum ueniens ex urbe Capernâum

Liberet ut natum febris ab igne rogat.

DOMINICA XXII. POST TRINI.

Debita donantur seruo, mox clauditur idem

Carcere, conseruo quod nimis asper erat.

DOMINICA XXIII. POST TRINI.

Nomine Caesarèi census tentatur Iesus:

Dat responsa malis irreprehensa uiris.

DOMINICA XXIII. POST TRIN.

Suscitat à fato natam primatis Iesus,

Fimbria profluuiumq; in uulnere leuat.

DOMINICA XXV. POST TRIN.

Observare iubet Danielis uerba prophetae

Christus, in extremos uera futura dies.

DOMINICA XXVI. POST TRINI.

Iudicium Christus celebrans discernet ab agnis

Innocuis hircos, sordida monstra, malos.

DISTICHA EVANGELIORVM

Festiuatum, memoria seruientia.

AN-

ANDREAE APOSTOLI

Esse Dei uerum caelo qui uenerit Agnum,
Te Baptista pio gutture Christe sonat.
Retia dimittunt, Christum cupidiq; sequuntur
Andreas fratres mente Symonq; pares.

THOMAE APOSTOLI

Viueret non credit Didymus post funera Christi,
Vulneribus donec discit habere fidem.

STEPHANI PROTOMARTYRIS.

Vt crudelis erit Christi Iudaea Prophetis,
Sic tandem poenas gens scelerata dabit.

† Obruitur Stephanus coniecti uerbere saxi,
In caelo Christum iam moriensq; uidet.

IOANNIS EVANGELISTAE.

Petre sequi Christum diuina uoce iuberis,
Quamuis de charo multa Ioanne rogas.

† Praecipitur Petro Christum sine lite sequatur,
Sollicitum frustra sed tamen alter habet.

INNOCENTVM PVERORVM.

Sauit in infantes miseros crudelis Apella,
Et tamen euentu, quod cupit ille, caret.

EPIPHANIA BAPTISMATIS.

Suscipiens Christus manibus Baptisma Ioannis,
Consecrat exemplo sancta lauacra suo.

CONVERSIONIS PAULI.

Premia quae reddat socijs sectantibus ipsum,
Queritur à Petro Christus, & ampla refert.

* Qui modò Saulus erat Christi seuisimus hostis,
Paulus fit fidei doctor in orbe nouus.

PVRI

PURIFICATIONIS MARIAE.

A genetrice sua Christus defertur ad aram,

Parq; columbarum debita sacra facit.

MATTHIAE APOSTOLI.

Ignorant magni mysteria calica, paruis

Sed Pater aternus talia nosse dedit.

* Discipulis Christi Matthias iungitur, atq;

Munus Apostolicum sorte ferente capit.

ANNUNCIATIONIS MARIAE.

Nuncia uirgo tibi fert angelus aethere summo,

Quod genitrix Natum sis paritura Dei.

PHILIPPI ET IACOBI APOSTO.

Vnus es aeterno Natus cum Christo parente:

Illum, te uideat, noscere quisquis auet.

MARCI EVANGELISTAE.

Informat socios, qua sit ratione precandum,

Et monet in caelo pondus habere preces.

CORPORIS CHRISTI.

Aeternae cibus est uita caro uiuida Christi,

Illius & sanguis pocula uera facit.

NATIVITATIS IOANNIS BAPTIS.

Elisabetha parit sanctum grandaeva Ioannem:

Eloquio gaudet iam redeunte pater.

PETRI ET PAVLI APOSTOLORVM.

Quod patris aeterni soboles sis Christo fatetur

Ore pio Petrus, donaq; clauae capit.

VISITATIONIS MARIAE VIRGI.

Adueniens peregre cognatam Virgo salutat,

Atq; Deo laudes carmine grata canit.

† Hospi-

4 Hospitio gaudens capit Elisabetha Mariam,
 Subsilit in grauida qua ueniente puer.
 DIVISIONIS APOSTOLORVM.
 Bis senos pariter socios emittit Iesus,
 Ut domui Israël dogmata prima ferant.
 MARIAE MAGDAENAE.
 Hospes adest mensæ Pharisei Christus: at illum
 Irrigat unguento fœmina salua fide.
 IACOBI MAIORIS APOSTOLI.
 Magna nimis poscit Zebedei munera coniunx
 Pro geminis natis, cassaq; uota manent.
 VINCVLORVM PETRI APOSTOLI.
 Angelus educit regali carcere Petrum,
 Ille refert socijs, ante diemq; fugit.
 LAVRENTII MARTYRIS.
 Nullum grana solent Cerealia gignere fructum,
 Ni prius iniecta ceu moriantur humo.
 ASSUMPTIONIS MARIAE.
 Munera sectantur gemina diuersa sorores,
 Quippe domum curat Martha, Maria Deum.
 BARTHOLOMAEI APOSTOLI.
 Discipulis mundi prohibetur una potestas,
 Pro qua seruitij ferre iubentur onus.
 DECOLLATIONIS IOANNIS BAPTISTAE.
 Amittit uitam, scorto faciente, Ioannes,
 Innocuum seuo ceditur ense caput.
 NATIVITATIS MARIAE.
 Progeniem Christi memorat Matthæus autam,
 Hic Abraham primus Isai desq; tenent.

MAT

MATTHAEI APOSTO. ET EVANGELI.

Vestigal Matthee Deo mandante relinquis,

Atq; illum leto suscipis hospicio.

MICHAELIS ARCHANGELI.

In medio sistit puerum praeceptor Iesus,

Huic uult discipulos simplicitate pares.

SYMONIS ET IUDAE APOST.

Præmonet in mundo, qua sint ratione ministri

Tractandi Christus, ne mala mira putent.

OMNIVM SANCTORVM.

Monte sedens Christus uite quæ signa beatæ

Explicat, & socios aspera ferre iubet.

OMNIVM ANIMARVM.

Tempus erit quo turba Dei, quæ mortua dudum,

Accipiens uocem membra leuabit humo.

Premia tum rectis, poenæ reddentur iniquis,

Et sua, quæ meruit, munera quisq; feret.

S. MARTINI EPISCOPI.

Mortales uigilare iubet, non stertere, Christus

Obruat incautos ne metuenda dies.

S. NICOLAI EPISCOPI.

Creditur utendum seruus prægrande talentum,

Vt domino lucrum, dum redit ille, parent.

CONCEPTIONIS MARIAE.

In somnis monitus Mariam traducit Ioseph

In patrias ades suspicioq; cadit.

DEDICATIONIS TEMPLI.

Paruulus ascendit ficum Zachæus in altam,

Vt uideat Christum, qui tamen hospes adest.

COM-

COMMUNE APOSTOLORVM.

Aſidue nobis Deus eſt per uota rogandus,
Ne deſit meſſi turba miniſtra ſua.

COMMUNE MARTYRVM.

Esſe iubet cautos ſocios, uelut anguis, ieſus,
Atq; columbarum ſimplicitate pares.

COMMUNE CONFESSORVM.

Esſe ſalem terræ ſocios & lampada mundi,
Luceat ut uerbum, uitaq; Chriſte iuber.

COMMUNE VIRGINVM.

Quinq; ferunt oleum cum lampadis igne puellæ,
Sed totidem ſegnes ianua clauſa manet.

CONCLUSIO DISTICHORVM.

Si quis erit forſan, quem Diſticha noſtra iuuabunt,
Temporis huic tanquam Ciſio Ianus erunt.

TEſ.